

Prédictions pour cinq années des choses... lesquelles nous sont dénoncées advenir par les révolutions des années, grandes conjunctions des plus hautes planettes... commençant ceste présente année mil six cens deux, composé par le sieur de Billy,...

Publication : Paris : pour N. Rousser [sic pour Rousset] ; jouxte la copie imprimée à Rouen, 1602

Description matérielle : In-8 , 13 p.

Notice nfi : FRBNF30605604

BENAZRA Pag. 151



# PREDICTIONS

POUR CINQ ANNEES, DES  
CHOSSES PLUS MEMORABLES;  
lesquelles nous sont denoncées aduenir par les reuolu-  
tions des années, grandes conioctions des plus hau-  
tes Planettes; Eclipses, & Comettes, & autres metheo-  
res, commençant ceste presente année, mil six cens  
deux.

*Composé par Le. Sieur de Billy, Secretaire de la tres illustre  
Princesse & Madame Celestine Ololampe, Du-  
chesse de Pancefme.*



A PARIS,

Pour Nicolas Rouffer.

Toute la copie imprimée à Rouen.

1602.



**PREDICTIONS POVR CINQ  
ANNEES, DES CHOSES LES PLUS  
memorables qui sont à aduenir, depuis l'an mil six  
cens deux, iusques à l'an mil six cens & sept : Et pre-  
mierement.**

*Pour l'an mil six cens deux.*



**V**AND nous obseruons ce que les an-  
ciens & nouveaux Astrologues ont  
troué, il nous est denotée vne tres-  
grande violence de l'operation de l'E-  
clipse, & de grandes menaces. Car pour  
certain les effects de quatre Eclipses,  
deux de Soleil, & deux de Lune, seront  
en ceste année, ce qui aduient fort rarement. Pourtant est  
denotée tres-grande mutation en la Religion, laquelle fe-  
ra aigrir ou fascher les esprits des Magistrats enuers les  
sùbiects, & des sùiets contre les Magistrats. Mars aussi re-  
gardant la Lune d'aspect opposite en ceste reuolutiõ & en-  
tree du Soleil au signe du Belier martial, causera mutuelles  
desloyautez, haines & perfidies, & ne pourra aucũ sçauoir  
quel il aura pour son singulier certain & fidele amy. En la  
conseruation quõdienne la paix, l'amour, & le concordẽ  
romberont du tout, la haine & l'entie dominetont tout au  
large, tant aux Princes & Potentats qu'au cõmun peuple.  
L'vn taschera de tromper l'autre, tant secrettemẽt que pu-  
bliquẽment. Finalement cet an sera plein de tumultes, de  
discordes, d'iniquitẽ, de fraudes secrettes, & palliques, tant  
entre les Ecclesiastiques & seculiers. Ces choses sont con-

firmées par Mars & la Lune, & par Saturne aussi, infortunant l'horoscope par son rayon opposite. D'où ceste constitution du Ciel, & autres constellations sont veuës, nous predire vn an tref-difficile. Les maladies en toute ceste année regneront, la contagion epidemie assaillira de routes parts, les fieures contagieuses, les frenesies, la vertiginosité de teste, les catères suffoqueront plusieurs. Dauantage, les vlcères, gangrenes, apostumes osteront plusieurs du milieu deuant le temps, & abrègeront leur vie. Les obseques des Rois & des Roines viendront apres, que Dieu conseruera s'il luy plaist, & plusieurs auortemens se feront. Dauantage, plusieurs adulteres & incistes se feront, mais peu de mariages, & entre les mariez n'y aura point ou peu d'amour naturel. Pourtant plusieurs meschancetez, sous pretexte de bien se commettront, la iustice ne sera obeye, l'ingratitude regnera, la ruze & cautelle sera tenuë pour prudence: diuerses effusions de sang seront à craindre, & les meurtres & tueries d'hommes, comme sont veus demonstrez les effects de quatre Eclipses. Pourtant leurs decrets seront grieus & aigres presque à tous hommes. D'où grieues perturbations & confusions sont proches, comme il sera predict audit temps par quelque sçauant Astrologue.

Le 4. iour de Iuin à 6. heu. 24. mi. apres midy, y aura Eclipse de lune de 20. doigts 10. minut. qui est l'vne des plus grandes, le temps de l'incidence est d'vne heu 10. mi. mais elle ne nous apparoiſtra point, d'autant que lors qu'elle commencera à nous leuer, elle sera sortie de l'ombre de la terre.

Vne autre Eclipse de lune sera le 29. de Nouembre à 8. heu. 46. mi. de matin, & sera de 16. doigts 18. mi. qui est aussi des plus grandes, le temps de l'incidence est d'vne heure 5. mi. Au reste pource que le soleil se leue en nostre horizon enuiron 8. heu. nous n'en pourrons voir que la fin.

Quant aux effects de l'Eclipse au 4. iour de Iuin aduenante en la 11. & 12. maison celeste, elle signifie destruction d'edifices, & de fruiçts, & plusieurs ieunes gens adoleſcens mourront. Et d'autant qu'elle se fait en la triplicité ignée, elle signifie mort du bestial, exil d'vn grãd Roy ou Prince, prisons ou mort, haines entre le peuple, & les

5.

Potentats, mutuelles infirmités & differents, mouuement de grande armée, guerres horribles, carnages d'hommes, embrassemens, larcins, & depopulations, auortemens fiures aiguës, epidémies à cause de la chaleur de l'air, & chaud mal, sterilité de fruiets, & cherté d'année, principalement aux regions subiectes au signe de l'Eclipse, & notable mutation. Et pource qu'elle se fait en la seconde face, elle signifie mort sur les cheuaux, mulles, & mullets. De tous lesquels euenemens appartenans proprement aux Orientaux mahumetistes. Dieu le bõ Dieu nous en garentira s'il luy plaist.

*Predictions pour l'an mil six cens & trois.*

**P**Ar la configuration du ciel en la reuolution de cet an & entrée du Soleil, fontaine de chaleur & lumiere au signe du Belier, nous pouuons parler des choses principales signifiees par icelle, & ceste reuolution du monde a presque les mesmes significations que la superieure, pourtant il les faut icy rapporter. Car Mars conioint au Soleil, s'efforcera autant qu'il pourra d'opprimer les mortels par dommages & griefues maladies, pourtant plusieurs milliers d'hommes periront (si Dieu n'a pitié) par peste, faim, & glaue, comme demonstre aussi la lune infortunée par Mars, par vn quart aspect. Car il y aura courses de gens de guerre, & larcins, & aucunes citez seront tourmentees de diuers perils & tribulations, à cause des fureurs de guerre. Bref, diuers bruits seront ouys, pource que Mars s'efforcera de tourmenter plus griefuement tous hommes. Il se fera de grandes expéditions de guerre, & tueries, & plusieurs seront surprins de crainte. Celuy qui se pourra passer de voyager n'entreprene point de voyage, pource que delà, facilement il y auroit dommage. Plusieurs complaints seront ouyes par tristesse, & dommages soudains. Celuy qui arriuera n'amenera rien de bien. Le quart aspect de Saturne & de Venus presage de grâdes falcherics, & contrarietez aduenir entre les femmes, à cause de fornications & adulteres. Nouuelles assemblees seront commandees par plusieurs prouinces, pour appaiser les differents decec temps, mais il n'en sera rien conclud. Pourtant ie diray avec Salomon. Eccle. 9. I'ay veu sous le Soleil n'y auoir

point de course des legiers, ny bataille des forts, ny pain des sages, ny richesse des doctes, ny grace des ouuriers, mais temps & cheure en toutes choses.

La lune en cest an sera eclipsée deux fois, à sçavoir le 4. iour de May à vnze heu. 30. mi. apres midy, & sera eclipsée de huit doigts 55. min. Le temps de l'incidence est vne heure 35. mi. Toute sa duree sera de trois heu 5. min & apparoiſtra de couleur noire, meslee de passe. L'autre sera le 18. de Nouembre à 6. heu. 32. mi. apres midy, & sera de 3. doigts 58. mi. Le temps de l'incidence sera d'vne heu. 2. mi. Toute sa duree sera de deux heur. 8. min. & apparoiſtra de couleur noire meslee de passe. Item cendree meslee de blanc, & telles eclipses ne sont point sans grande signification, non plus que la grãde conionction des plus hautes planettes: Saturne & Iupiter avec les autres en la premiere face du Sagitaire, le hault auge de Saturne & domicile de Iupiter, laquelle y sera celebree le 20. iour de Decembre. Quant aux effectes de l'Eclipse du 24. de May, se faisant en la 10. & 11. maison du ciel, elle denonce mort, aux Rois, Princes, & Ecclesiastiques, principalement en l'age viril, & dautant qu'elle se fait en signe de la triplicité ignee, elle signifie mort de troupeaux de bestes, exil d'un grand Roy ou Prince, prisons, ou mort, haines entre le commun peuple, & puissans, mutuelles haines, & differents, mouuement de grand exercite, horribles guerres, carnages d'hommes; feux, larcins, rapines & depopulations; auortemens; fieures aigues, epidemie, chaudes maladies, sterilité de fruiſts, cherté d'annee, principalement aux regions subiectes aux signes de l'Eclipse, & notable mutation. Et dautant qu'elle se trouue en la premiere dizaine du signe, elle signifie larcins, & rapines. Quant à ladicte grande conionction ainsi celebree sur la fin de cest an, & commencement du suiuant. Il ne faut point douter qu'elle ne soit de grande signification; comme celle qui est la premiere qui se fait sous ce Trigone ignee, & sont passez 800. ans, à sçavoir du temps de Charlemagne qu'elle n'a point esté en ceste mesme face. Comme aussi l'an treiziesme de nostre salut elle auoit esté en ceste mesme face du Sagitaire, & n'y auoit point esté depuis iusques à Charle-

magne, l'an de nostre Seigneur 809. Laquelle plusieurs eclipses suivirent, & apparition de Comettes, comme aussi suivirent ceste cy, & quelques tristes evenemens, dequoy Dieu nous vueille preserver, & remuemens de mefnages, & estat, tant la republique que religion. Car ces grandes conionctions en signe ignee font des exhalaisons, qui s'enflamment en la supreme region de l'air, & amassees ensemble causent ce Comette ou nouvelle estoille, laquelle combien qu'elle semble petite à la veue à cause de la grande distance de la terre, neantmoins est d'une extreme & incroyable grandeur. Et comme après telle grande conionction du temps de Charlemagne, suivit la mort de quelques grands, ou grandes lumieres de ce monde, aussi ne faut-il point douter que mort de quelques grands ne suive ceste cy, que Dieu vueille bien garder, & esmotion de grandes guerres, & grande mutation de loix, de sectes, & de religion, tant en l'estat politique, qu'Ecclésiastique. Car le Trigone ignee a proprement la signification sur les monarchies & grandes religions, comme nous voyons que la religion Chrestienne a commencé sous le Trigone ignee, & a receu grande augmentation sous iceluy du temps de Charlemagne, tant en nombre de personnes, que de pompes & ceremonies. Quant aux autres Trigones & grandes conionctions sous iceux, ils ont leur signification sur les sectes & divisions en la grande religion, comme sont les sectes de quatre ordres mendianes, & autres riches en donations. Ces quatre sectes mendianes ont commencé & a environ quatre cens ans, au quel temps commenceront lesmaieures conionctions au trigone aeree, qui est les signes de Gemini, Libra, & Aquarius, & y fut deux cens ans. De ce temps viuoit vn grand Astrologue. *Cuido Bonatus*, qui dir ainsi de ces sectes. *Sicut finis quando incepit secta sine religio Augustini, & secta Benedicti, & secta fratrum minorum qua incipit. Era Arabum 609. anno mense rabe ultimi, Era Christi 1211. anni cuius principium fuit tale ascendens quod ipsa subradicabit omnes alias sectas, & alios ordines sub Romana Ecclesia de gentes, sed eius finem dicere non audio. timore ne incidam in remore vulgi. Erit tamen publicus valde. cum aduenerit ac de ipso rumor immensus.* De ceste tres grande conionction au signe du Sa-

gitaire. Ce grand Astrologue Nostradamus, Centurie premiere, quatrain 16. a dit ainsi,

*Faulx à l'estang ioint vers le Sagitaire,  
En son haut auge de l'exaltation,  
Peste famine, mort de main militaire,  
Le siecle approche de renouation.*

Par faulx à l'estang, il entend Saturne le malin falcigere, qui a sa maison au Verseau, & son haut auge au Sagitaire, où il sera ioinct à Iupiter, & les autres planettes, de quoy il predict ce que dessus ( que ja n'aduienne ) & Dieu sur tout.

*Predictions pour l'an mil six cens quatre.*

**P**AR la reuolution de cest an qui est l'entree du Soleil, au signe d'Aries, nous est demonstre qu'elle conuient en plusieurs choses avec la superieure, mais plustoit toutes choses se demontreront & aduiendront en mesme maniere que lors nous auons predict. Car elle signifie calamitez & perturbations en la religion, & estat des religieux. Item dissensions aux assemblees des grands, comme demontre la conionction de Saturne & de Iupiter derniere, en signe ignee, laquelle menace de tromperies & impostures. Elle est veüe en outre menacer de haines & dissensions entre les Rois & Princes, lesquelles donneront occasions de guerres & de dangereuses mutations. Ceste conionction, pource qu'elle est changee de la triplicite aquee en ignee, selon les decrets des Arabes est tres-mauuaise, & signifie plusieurs maux au genre humain. Pierre de Alliaco Cardinal Camerace dit, que la Gaule est sous la domination de Iupiter: Parquoy de ceste cõstellation elle est subiecte à plusieurs incommoditez, maux, & dommages, comme iceluy tesmoigne auoir esté trouué par plusieurs observations. Pourrant ie prie Dieu tresbon, & tres-grand, qu'il face tel prognosticateur menteur; & qu'il la garde de tout mal & danger. Dauantage l'application de Mars au corps de Saturne est veü d'annoncer la mort de quelque noble Dame, & au commun peuple chaudes & humides maladies, cholique, passionaire, touleur de teste, le mal de Naples

de Naples. Et plusieurs Rois & Princes à peine pourront ils permettre estre veus, craindre les ires, fureurs, & seditions des peuples.

En cet an nul des luminaires ne sera eclipsé sur nostre horizon.

*Predictions pour l'an mil six cens & cinq.*

**P**Ar la figure du ciel de la reuolution de cest an, qui est l'entree du Soleil au signe du Mouton celeste, Saturne se trouue en la douzieme maison, lequel infortune le Soleil par ses rayons maiefiques, à sçauoir par vn quart à spect. Item la lune se trouue conioincte à Mars en la tierce maison du ciel, lesquels luminaires estans ainsi infortunez sont veuz denoncer plusieurs maux, & incommoditez au monde. Parquoy ie diray avec Leouice, Ie ne sçay comment il aduient que tant de grandes eclipses, principalement du Soleil, aduient en si peu d'annees. D'où sont denoncees choses tres-griefues & tres calamiteuses. Par aduenture ce sont icy les derniers temps, ou semblera que nous y soyons, auxquels la piété & charité refroidira la verité, & la iustice sera opprimee, & toutes choses seront meslees par tumultes & seditions, le dessus dessous, ou le deuant derriere. Et delà finalement ne faudra attendre autre chose, sinon vn degast & ruine de la societé & tranquillité commune: pourtant de tout nostre cœur, nostre Dieu tout bon & tout puissant doit estre appaié, tant par continuelles prieres, que par tout gente de pieté, afin qu'il luy plaise d'estourner son ire de nous, & qu'il ne nous priue point de sa diuine lumiere, & ne permette point nostre foy Catholique (en laquelle consiste nostre salut eternal) estre laceree & extainte par les meschans.

La lune sera eclipsée par deux fois en cest an, & le soleil vne fois.

La premiere eclipse de la lune sera le 3. iour d'Auil à 7. heu. 35. mi. apres midy, à la teste de son dragon, & sera d'vnze doigts quarante min. & durera depuis le commencement iusqu'à la fin 3. heu. vingt-quatre min. & apparoi-  
tra de couleur noire meslee de vert & rouge, & pource  
qu'elle se fait en signe aerce & humain, elle signifie famine

& tres-griefues maladies & pestilentes, & vents tempestueux & dommageables, ses effets dureront trois mois & huit iours, & commenceront enuiron deux mois apres.

La seconde eclipse de lune sera le 27. iour de Seprèmbrè à 3. heu. quatorze min. & apparoiſtra de couleur noire meſlee de paſſe. Item cendree, & pource qu'elle ſe fait en la quatrieſme maſon du ciel, elle ſignifie mutation de loix, institutions, & ſectes. Et pource qu'elle ſe fait en ſigne i-gnee, elle ſignifie les meſmes choſes que celle de 1603. 24. iour de May. Et eſtant au ſigne d'Aries, elle ſignifie alteration & corruption de fruicts, venâs aux vignes & figuiers

Le ſoleil auſſi ſera eclipsé à 2. heu. 5. min. apres midy, le 12. iour d'Octobrè elle ſera d'vnze doigts 38. min. & quaſi du tout le commencement aduendra à 48. mi. d'heure apres midy. Le milieu ſera à 2. heu. 5. mi. & la fin ſera à 3. heu. 22. min. & ainſi depuis le commencement iuſqu'à la fin ſe paſſeront 2. heu. 34. mi. lequel avec la lune paſſant par deſſous la huitieſme ſtation du ciel, ſous le ſigne de la Balance, a accouſtumé denoncer la mort d'vn grand Roy, ou Prince, ſeditious, guerre, famine, & epidemie, comme dit Proclus Licius, d'où Meſſahala dit. Quand le ſoleil eſt eclipsé il ne ſe peut faire (ſi Dieu n'opere autrement) qu'il ne ſoit ſignifié vn grand accident au monde, ſelon la quantité de l'eclipse, comme dit Virgile. Le ſoleil donne ſigne, qui oſera dire qu'il denonce choſes faulſes. Il admonneſte ſouuent que tumultes aucugles ſont proches, fraudes & guerres couuertes. Il a auſſi en pitié de Rome par la mort de Ceſar, quant il a couuert ſa teſte claire de rouil noir & obſcur. Et les temps mauuais ont craint vne nuit eternelle. Pourtant Leouice dit. O Rois & Princes nais ſous le ſigne de la Balance & du Belier. Item les Prouinces & citez ſubiectes au premier quadrangle du Zodiaque, & au ſigne du Scorpion, pluſieurs & tres-griefs maux ſont veuz vous eſtre denoncez, extremes calamitez vous ſont prochaines, i'eulle peu (comme il dit) eſtendre ces reuolutions du monde iuſqu'aux deux ans prochains, auſquels les effets de ladiſte eclipse durera. Mais Platon commande icy meſme. Voila ce qu'il dit. Il eſt donc manifeſte que de long temps aucune choſe n'a eſté veüe plus grande, ny ne ſera veüe de long temps cy apres. Les tenebres ſeront en plein

midy : Les effects commenceront le vingt-vniesme iour d'Auril 1606. & cesseront le vingtiesme d'Octobre 1608. il apparoitra de couleur grandement difforme, à sçauoir de couleur glauque, ou de mer, & rousse. Et pource qu'elle se fait en signe de trigone aeree & humain, elle signifie tres-griefues maladies & pestilentes, & vents tempestueux & pernicieux. Et se trouuant en la seconde face du signe de la Balance. Proclus dict qu'elle signifie mort des Ecclesiastiques, principalement en l'age viril, mais la benigne Venus dispositrice du lieu de l'eclipse, peut moderer aucunement ces menaces celestes, comme cause seconde. Car ceste cause premiere, cause des causes, moderatrice de toutes choses, soit referree la gloire & honneur de toutes choses.

*Predictions pour l'an mil six cens & six.*

**P**AR la reuolution de cest an qui est l'entree du soleil au signe du Belier martial, il nous est denoté degast ou euerfion de quelque region ou cité, & demonstre beaucoup d'autres incommoditez aduenir au monde, desquelles nous auons fait mention en l'an superieur par la description de l'eclipse du soleil. Mais Mars possedant la 7. maison du ciel, lequel est en quart aspect à Mercure, & Saturne aussi en quart aspect au soleil, lequel tient la huitiesme station du ciel, iceux denoncent la mort de plusieurs hommes, & plustost la subtilité & finesse sera multipliee, & celuy qui aura fouy la fosse & le piege, tombera en icelle. Dauantage, il n'y aura aucune ou bien petite constellation aux captifs, & autres mis en captiuité, pource qu'il y aura multitude de prisons. La plus grande partie viura par esperance, laquelle n'obtiendra point, & plusieurs gens de guerre seront cassez. Semblablement y aura tres-grandes guerres entre plusieurs seigneurs en diuerses Prouinces, & occultes inuentions. De sorte qu'on ne sçaura lequel sera feal & bõ entre les amis, il y aura beaucoup de fraudulents conseils par Mercure, à cause desquels il faut grandement craindre que plusieurs n'endurent vne mauuaise catastrophe, euerfion, & changement. Ce qui reste & concerne ceste profession, nous le laissons

à disputer aux doctes & amateurs de cest art, attendu qu'il n'est permis d'interpreter les mysteres d'icelle sans danger.

*Il n'y aura aucune Éclipse qui soit veue en cest an en nostre horizon.*

*Predictions pour l'an mil six cens sept.*

**E**Ncores ceste annee plusieurs maux tourmēteront les peuples d'Occident, desquels nous auons assez clairement & amplement discouru cy dessus, mais outre lesdicts Occidentaux, ceux aussi de Germanie & des Pronin-ces adiacentes sont menacez par la presente reuolution, nommément sur la fin de ceste annee, & sur le commencement de la facture de plusieurs maladies, à sçauoir, disenteries, calculs, rections, dauines, douleurs d'estomach, catarrhes, obstructions de gosier, & de gouttes: il y aura quelque Prelat de bien noble maison qui par la trahison des siens, ou par les aguets de ses voisins recerra quelque honte ou sera prisonnier, s'il ne se donne de garde.

#### S'ENSUYVENT LES IOURS HEUREUX

*& perilleux de l'annee, reuelez par l'Ange au bon Ioseph.*

**C**Y ie. veux declarer les iours les plus heureux de toute l'annee, à vendre & acheter, semer, & plâter, & edifier heritages, c'est à dire; commencer à desmaisonner, de mouuoir & aller en pellerinage, ou en marchandise, guerre, ou en quelque lieu qu'on ait affaire, & qu'on eslise les iours cy apres nommez, & on ne pourra auoir perte ny en marché ni en chose que ce soit, mais il pourra tousiours & faire grandement son profit. Lesquels iours ont esté reuelez par l'Ange de Dieu au bō Ioseph, lequel il fit à sçauoir les iours où les bonnes ceūures sont où se font, & ausquels il deuoit trafiquer ou marchander. Et tous enfans qui sont naiz en ces iours heureux ne peuent estre pauvres. Et vn enfant qui est mis à l'escole en vn de ces iours, il viendra à perfection de science s'il perseuere en son estude. Et si vn enfant est mis à mestier, il ne peut faillir qu'il ne soit bon ouurier & riche homme, s'il perseuere en son estat; desquels il y en a vingt huit.

*Et premierement les iours heureux.*

Ianuier, le troisieme & le treizieme.  
 Feurier, le cinquiesme & vingt-cinquiesme.  
 Mars, le premier, huitiesme, & trentiesme.  
 Aueil, le cinquiesme, vingt-deuxiesme, & vingt-neufiesme.  
 May, le quatriesme & dixseptiesme.  
 Iuin, le troisieme & huitiesme.  
 Iuillet, le deuxiesme, treizieme, & quatorzieme.  
 Aoust, le douzieme.  
 Septembre, le premier, septiesme, & vingt-troisieme.  
 Octobre, le quatriesme, & quinziesme.  
 Nouembre, le treizieme, & dix-neufiesme.  
 Decembre, le dix-huitiesme, & vingt-sixiesme.

*Les iours qu'on dit estre malheureux*

Ianuier, le premier, deux, quatre, six, huit, & quinze.  
 Feurier, le sixiesme, dixseptiesme, & dix-huitiesme.  
 Mars, le sixiesme, seiziesme, dixseptiesme, & dix-huitiesme.  
 Aueil, le septiesme, & quinziesme.  
 May, le septiesme, quinziesme, & dixseptiesme.  
 Iuin, le sixiesme.  
 Iuillet, le quinziesme, & dix-huitiesme.  
 Aoust, le dix-neufiesme, & vingtiesme.  
 Septembre, le seiziesme, & dix-huitiesme.  
 Octobre, le sixiesme.  
 Nouembre, le quinziesme & seiziesme.  
 Decembre, le sixiesme, septiesme, & vnzieme.

**LE** Philofophe dit qu'on ne doit rien commencer des choses qui  
 doyuent long temps durer, ces iours qui s'enfuient. C'est à ſça-  
 uoir le premier iour d'Aoust, le quatriesme de Septembre, & le vn-  
 ziesme de Mars. Trois iours ſont à l'an, que principalement on ſe doit  
 garder de trop boire, & de trop manger: le premier iour d'Aoust, le  
 premier de Decembre, & le sixiesme des Kalendes d'Aueil, qui eſt  
 le vingt-sixiesme iour dudit mois, pour cauſe qu'on pourroit choir  
 en maladie, ou en langueur, ou en danger de mort. Et on doit eui-  
 ter tels iours perilleux: car la perſonne ſe pourroit rompre & tuer a-  
 uant qu'il ſeuſt venir à ſes fins, & tels iours ſont nommez iours deſ-  
 uoyez: Pource il eſt eſcrit en l'Euangile. Primum querite re-  
 gnum Dei, & omnia adueientur vobis.